



Broj: 02-04-38266-22.1/22  
Sarajevo, 29.09.2022. godine

## PROGRAM MJERA U CILJU ZAŠTITE NAJUGROŽENIJIH KATEGORIJA STANOVNIŠTVA U KANTONU SARAJEVO USLJED POVEĆANJA CIJENA ENERGENATA

Program mjera zaštite najugroženijih kategorija stanovništva u Kantonu Sarajevo usljed povećanja cijena energenata (u daljem tekstu: Program mjera) donosi se u cilju osiguravanja pomoći najugroženijim kategorijama stanovništva u Kantonu Sarajevo i pomoći ustanovama socijalne zaštite u Kantonu Sarajevo sa ciljem prevazilaženja nepovoljne ekonomske situacije usljed povećanja cijena energenata.

Predmetni dokument sadrži dvije mjere od kojih se prva mjera odnosi na jednokratne pomoći za dvije posebno osjetljive kategorije stanovništva i druga mjera koja se odnosi na pomoć ustanovama socijalne zaštite, a sve sa ciljem prevazilaženja nepovoljne ekonomske situacije uzrokovane povećanjem cijena energenata.

Za realizaciju Programa mjera u cilju zaštite najugroženijih kategorija stanovništva u Kantonu Sarajevo usljed povećanja cijena energenata potrebna su sredstva u iznosu od cca **4.283.500,00KM**. Potrebna budžetska sredstva će Ministarstvo finansija Kantona Sarajevo preraspodjeliti na odgovarajući poziciju u Budžetu Ministarstva za rad, socijalnu politiku, raseljena lica i izbjeglice Kantona Sarajevo.

### JEDNOKRATNE NOVČANE POMOĆI

#### 1. Pomoć penzionerima sa najnižom penzijom u Kantonu Sarajevo

- I Novčana pomoć je namijenjena penzionerima u Kantonu Sarajevo sa najnižom penzijom za prevazilaženje situacije povećanja cijena energenata u predstojećoj sezoni grijanja. Obzirom da su penzioneri osjetljiva kategorija stanovništva jer su u trećoj životnoj dobi i uglavnom narušenog zdravlja, nisu radno sposobni i nisu u mogućnosti za svoje potrebe osigurati dodatna sredstva izuzev penzije koju primaju, cijenimo da su penzioneri sa najnižim penzijama u Kantonu Sarajevo, kategorija stanovništva koja je posebno pogođena povećanjem cijena energenata.
- II Cilj ove mjere je osiguravanje pomoći penzionerima sa najnižom penzijom u Kantonu Sarajevo da prevaziđu povećanje cijena energenata u predstojećoj sezoni grijanja.
- III Iznos novčane pomoći je **100,00KM** i penzionerima sa najnižom penzijom u Kantonu Sarajevo će se isplatiti jednokratno uz penziju za mjesec oktobar 2022. godine.
- IV Ministarstvo za rad, socijalnu politiku, raseljena lica i izbjeglice Kantona Sarajevo će sa Federalnim zavodom za penzijsko i invalidsko osiguranje potpisati odgovarajući Sporazum

kojim će se definisati način realizacije ove mjere i potrebni podaci koje će u cilju njene realizacije biti potrebno dostaviti Ministarstvu.

- V Prema posljednjim podacima Federalnog zavoda za penzijsko invalidsko osiguranje, broj penzionera sa najnižom penzijom u Kantonu Sarajevo je cca 39.000. Imajući u vidu navedeno, i činjenicu da je iznos novčane pomoći 100,00KM, sredstva potrebna za realizaciju navedene mjere iznose cca **3.900.000,00KM**.
- VI Vlada Kantona Sarajevo, Ministarstvo finansija Kantona Sarajevo će izvršiti preraspodjelu potrebnih budžetskih sredstava za realizaciju ove mjere Ministarstvu za rad, socijalnu politiku, raseljena lica i izbjeglice Kantona Sarajevo.
- VII Nosioци realizacije navedenih aktivnosti su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.

## 2. Novčana pomoć korisnicima novčane naknade za pomoć i njegu od strane druge osobe u Kantonu Sarajevo

- I Novčana pomoć je namijenjena za stare i nemoćne osobe preko 65. godina, kojima je u skladu sa članom 26. stav (1) Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, broj: 36/99, 54/04, 39/06, 14/09, 45/16 i 40/18) i članom 27. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 38/14 - Prečišćeni tekst i 38/16, 44/17, 28/18 i 52/21) rješenjem Javne ustanove „Kantonalni centar za socijalni rad“, nadležne službe socijalne zaštite, priznato pravo na novčanu naknadu za pomoć i njegu od strane druge osobe u Kantonu Sarajevo. Imajući u vidu sve navedeno, cijenimo da su ovi korisnici izuzetno osjetljiva kategorija stanovništva jer su u trećoj životnoj dobi i zbog trajnih promjena u zdravstvenom stanju im je neophodna pomoć i njega druge osobe za zadovoljavanje osnovnih životnih potreba, te su kategorija stanovništva koja je posebno pogođena povećanjem cijena energenata.
- II Cilj ove mjere je osiguravanje pomoći korisnicima novčane naknade za pomoć i njegu od strane druge osobe u Kantonu Sarajevo da prevaziđu povećanje cijena energenata u predstojećoj sezoni grijanja.
- III Iznos novčane pomoći je **100,00KM** i korisnicima novčane naknade za pomoć i njegu od strane druge osobe u Kantonu Sarajevo će se isplatiti jednokratno uz isplatu novčane naknade za pomoć i njegu od strane druge osobe za mjesec oktobar 2022. godine. Navedenu novčanu pomoć neće ostvariti korisnici novčane naknade za pomoć i njegu od strane druge osobe u Kantonu Sarajevo koji su ovu pomoć već ostvarili kao penzioneri sa najnižom penzijom u Kantonu Sarajevo shodno ovom programu mjera.
- IV Ministarstvo za rad, socijalnu politiku, raseljena lica i izbjeglice Kantona Sarajevo će vršiti isplatu ove novčane pomoći korisnicima novčane naknade za pomoć i njegu od strane druge osobe na osnovu spiska korisnika navedenog prava za mjesec oktobar, a koji će u Ministarstvo dostaviti Javna ustanova "Kantonalni centar za socijalni rad".
- V Prema posljednjim podacima Ministarstva za rad, socijalnu politiku, raseljena lica i izbjeglice Kantona Sarajevo, broj korisnika novčane naknade za pomoć i njegu od strane druge osobe je 1.410. Imajući u vidu navedeno, i činjenicu da je iznos novčane pomoći 100,00KM, sredstva potrebna za realizaciju navedene mjere iznose cca **1.410 x 100,00KM = 141.000,00KM**.
- VI Vlada Kantona Sarajevo, Ministarstvo finansija Kantona Sarajevo će izvršiti preraspodjelu potrebnih budžetskih sredstava za realizaciju ove mjere Ministarstvu za rad, socijalnu politiku, raseljena lica i izbjeglice Kantona Sarajevo.



13  
5830  
Pb 41

VII Nosioc realizacije navedenih aktivnosti su Ministarstvo za rad, socijalnu politiku, raseljena lica i izbjeglice Kantona Sarajevo, Javna ustanova "Kantonalni centar za socijalni rad" i Ministarstvo finansija Kantona Sarajevo.

## POMOĆ USTANOVAMA SOCIJALNE ZAŠTITE

- I Imajući u vidu trenutno povećanje cijena energenata, ustanove socijalne zaštite u Kantonu Sarajevo su iskazale potrebu za dodatnim sredstvima na poziciji energenata potrebnih za zagrijavanje, obzirom da planirana sredstva u okviru budžeta ustanova za 2022. godinu neće biti dovoljna za ove potrebe. Sa druge strane cijeneći značaj ovih ustanova, te činjenicu da jedan broj ovih ustanova rezidencijalnog tipa i osigurava smještaj za korisnike socijalne zaštite, a ostale direktno pružaju usluge korisnicima socijalne zaštite, potrebno je ovim ustanovama pomoći u prevazilaženju ove situacije. Predmetna sredstva će ustanove utrošiti za plaćanje energenata za grijanje, kao i zaliha energenata (ukoliko imaju mogućnosti za to), te nabavku energenata za alternativno grijanje (ukoliko imaju mogućnosti za to).
- II Ustanove su iskazale svoje potrebe za dodatnim novčanim sredstvima na poziciji nabavke energenata i to:
- Javna ustanova "Kantonalni centar za socijalni rad" - 70.000,00KM
  - Kantonalna javna ustanova Dom za djecu bez roditeljskog staranja - 28.000,00KM
  - Kantonalna javna ustanova "Gerontološki centar" - 55.000,00KM
  - Kantonalna javna ustanova "Odgojni centar Kantona Sarajevo" - 7.500,00KM
  - Kantonalna javna ustanova "Porodično savjetovalište" - 4.000,00KM
  - Kantonalna javna ustanova "Dom za socijalno zdravstveno zbrinjavanje osoba sa invaliditetom i drugih osoba" - 50.000,00KM
  - Javna ustanova Terapijska zajednica – Kampus Kantona Sarajevo – 28.000,00KM.
- III Ukupno iskazane potrebe ustanova socijalne zaštite za dodatnim sredstvima sredstvima za potrebe grijanja do kraja 2022. godine iznose **242.500,00KM**.
- IV Vlada Kantona Sarajevo, Ministarstvo finansija Kantona Sarajevo će obezbijediti potrebna budžetska sredstava za realizaciju ove mjere na poziciji Ministarstva za rad, socijalnu politiku, raseljena lica i izbjeglice Kantona Sarajevo, a Ministarstvo će preraspodjelom sredstva unutar istog razdjela obezbijediti sredstva ustanovama prema iskaznim potrebama.
- V Nosioc realizacije navedenih aktivnosti su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo za rad, socijalnu politiku, raseljena lica i izbjeglice Kantona Sarajevo,
5. Ministarstvo finansija Kantona Sarajevo,
6. Federalni zavod za penzijsko i invalidsko osiguranje (putem Ministarstva za rad, socijalnu politiku, raseljena lica i izbjeglice Kantona Sarajevo),
7. Ustanove socijalne zaštite u Kantonu Sarajevo (7x) (putem Ministarstva za rad, socijalnu politiku, raseljena lica i izbjeglice Kantona Sarajevo),
8. Evidencija,
9. A r h i v a.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-000, Fax: + 387 (0) 33 562-076  
Web: <http://vlada.ks.gov.ba>, E-mail: [vlada@vlada.ks.gov.ba](mailto:vlada@vlada.ks.gov.ba)